



lacrima

Iūlia rosam ante nāsum tenet

illīc : in peristylō

oculus 


lacrimat ↔ rīdet

speculum 

fōrmōsus -a -um = pulcher

in cubiculum (acc)
↔ ex cubiculō
claudit ↔ aperit

hortus  hortus 
in hortūm ↔ ex hortō



PVELLA ET ROSA

Ecce Mārcus et Quīntus ante ūstium vīllae. Puerī Iūlium exspectant. Māter nōn est apud filiōs, ea in peristylō est; illīc virum suum exspectat. Aemilia laeta nōn est, quia Iūlius abest; nam Aemilia virum suum amat.

Ubi est Iūlia? In cubiculō suō est. Iūlia, quae sōla est illīc, rosam ante nāsum tenet. Puella lacrimat: in oculis eius sunt lacrimae.

Iūlia speculum sūmit et ante oculōs tenet. Puella sē in speculō videt et sē interrogat: "Estne foedus nāsus meus?" Nāsus eius autem fōrmōsus nōn est. Iūlia rūrsus lacrimat.

Syra ūstium cubiculī pulsat.

Iūlia: "Intrā!"

Syra ūstium aperit et in cubiculum intrat, neque ūstium post sē claudit. Iūlia Syram post sē in speculō videt. Syra nōn videt lacrimās Iūliae, nam puella sē nōn vertit.

Syra: "Ō, hīc est mea puella. Venī in hortum, Iūlia!"

- Iūlia imperat: "Claude ōstium!"
Ancilla pāret.
- 20 Iūlia: "Num nāsus meus foedus est, Syra?"
Syra: "Foedus? Immō fōrmōsus est nāsus tuus."
Iūlia sē vertit. Iam Syra lacrimās videt.
Syra: "Quid est, mea Iūlia? Tergē oculōs! Es laeta!
Nāsus tuus tam fōrmōsus est quam meus."
- 25 Iūlia: "Sed nāsus tuus nōn fōrmōsus est!"
Syra: "Quid? Nōnne fōrmōsus est nāsus meus?"
Iūlia: "Immō foedus est! Ecce speculum, Syra."
Iūlia speculum tenet ante Syram, quae nāsum suum
in speculō videt. Ancilla oculōs claudit et tacet. —
- II Ecce Iūlius ad villam advenit. Servī lectīcam ante
ōstium pōnunt. Pater filiōs salūtat: "Salvēte, filii!" et ā
filiis salūtātur: "Salvē, pater!"
Iūlius ambulat ad ōstium, quod ab ōstiāriō aperītur.
Dominus per ōstium in villam intrat. Post eum veniunt
- 35 Syrus et Lēander, quī duōs saccōs portant. Ōstiārius
post eōs ōstium claudit. Ursus et Dāvus cum lectīcā
vacuā discēdunt.
- Puerī saccōs plēnōs quī ā servīs portantur vident et
interrogant: "Quid inest in saccīs?"
- 40 Iūlius respondet: "In saccō quem Lēander portat
māla īnsunt. Hīc saccum pōne, Lēander!"
Lēander saccum pōnit ante Iūlium, quī aperit eum.
Iūlius: "Vidēte, puerī: hic saccus plēnus mālōrum
est."
- immō fōrmōsus : nōn
foedus sed fōrmōsus
est sunt
es! este! (imp)
- nōn-ne
- 
- ad-venit = ad ... venit
salvē! salvēte!
salvē, pater! (sing)
salvēte, filii! (plūr)
- ōstiārius = servus qui
ōstium aperit et claudit
in villam ↔ ex villā
- 
- mālum
- plēnus -a -um ↔ vacuus
in-est = in... est
- īn-sunt = in... sunt
eum : saccum
- hic saccus = saccus qui
hic (apud me) est

*ē = ex
ex ante a, e, i, o, u, h
ē/ex ante ceteras litteras*

eī : Quīntō



pirum

sōlum = tantum

neque...neque ↔ et...et
dat dant
dā! date! (imp)
iīs (= eīs) : servīs

ad-it = ad... it



Mārcus ambulat Quīntus currit

Iūlius mālum ē saccō sūmit et sē vertit ad Mārcum: 45
“Ecce mālum tuum, Mārce.” Iūlius Mārcō mālum dat.
Pater filiō suō magnum mālum dat. Iam Mārcus mālum
habet, neque Quīntus mālum habet. Iūlius Quīntum ad
sē vocat et eī mālum dat. Iūlius Quīntō mālum dat. Iam
et Mārcus et Quīntus māla habent. 50

Mārcus: “Quid inest in saccō Syri?”

Iūlius: “In saccō eius pira īnsunt. Aperī saccum,
Syre! Vidēte, puerī: hic saccus plēnus est pirōrum.” Iū-
lius duo pira ē saccō sūmit: “Ecce pirum tuum, Mārce,
et tuum, Quīnte.” Pater filiīs suīs pira dat. Filiī, quī iam 55
nōn sōlum māla, sed etiam pira habent, laetī sunt. Servī
autem neque māla neque pira habent.

Quīntus: “Etiam servīs dā māla et pira, pater!”

Iūlius Syrum et Lēandrum servōs ad sē vocat et iīs
māla et pira dat. Dominus servīs māla et pira dat. 60

Aemilia cum Dēliā ē peristylō in ātrium intrat, laeta III
ad Iūlium adit eumque salūtat. Aemilia virō suō ōscu-
lum dat. Iūlius Aemiliae ōsculum dat.

Iūlius: “Quid agit Iūlia?”

Aemilia: “Rosās carpit in hortō.” 65

Iūlius: “Currite in hortum, puerī, et vocāte eam!”

Quīntus currit. Mārcus nōn currit, sed ambulat.

Iūlius imperat: “Age! Curre, Mārce!”

Etiam Mārcus currit. Puerī per peristylum in hortum
currunt. Illic autem puella nōn est. Puerī ex hortō per 70
peristylum in ātrium ambulant.

- Mārcus: "Iūlia neque in hortō neque in peristylō est."
- Aemilia: "Estne Syra in hortō?"
- Quīntus: "Nōn est. Nūlla ancilla illīc est."
- 75 Aemilia: "Nōn sōlum Iūlia, sed etiam Syra abest! Dēlia, ī ad cubiculum Iūliae!"
- Dēlia ad cubiculum Iūliae it, ōstium pulsat, aperit, in cubiculum intrat. Illīc nōn sōlum Iūlia, sed etiam Syra est. Oculī Iūliae plēnī sunt lacrimārum.
- 80 Dēlia: "Venī in ātrium, Iūlia! Illīc pater tuus tē exspectat."
- Iūlia oculōs et nāsum terget, rosam sūmit, ē cubiculō exit. Syra et Dēlia post eam exeunt. Iūlia in ātrium ad Iūlium currit eīque ūsculum dat.
- 85 Iūlia: "Ecce rosa. Nōnne pulchra est haec rosa?"
- Iūlius: "Nūlla rosa tam pulchra est quam filia mea!"
- Iūlius filiae suaē ūsculum dat. Iamne lacrimat Iūlia? Immō laeta est et rīdet.
- Iūlia: "Num nāsus meus foedus est?"
- 90 Iūlius: "Foedus? Immō tam fōrmōsus est quam—hoc mālum! Ecce mālum tuum, Iūlia." Pater filiae mālum magnum et fōrmōsum dat. Iūlia mālum terget et ante oculōs tenet.
- Iūlia: "Ō, quam fōrmōsum est hoc mālum!" Puella 95 laeta mālō suō ūsculum dat!
- Iūlius: "Hoc pirum etiam tuum est, Iūlia." Iūlius eī pirum dat. Iam puella et mālum et pirum habet.
- Aemilia: "Etiam ancillīs meīs māla et pira dā!"
- it eunt
ī! īte! (imp)
- ex-it ↔ intrat
ex-īt ex-eunt
eī-que
- haec rosa = rosa quae hic
(apud mē) est
- iam-ne
- hoc mālum=mālum quod
hic (apud mē) est
hic haec hoc:
hic saccus (m)
haec rosa (f)
hoc mālum (n)
- eī : Iūliae

iīs (= eīs) : ancillīs

cui? puerō
puellaedatīvus (*dat*) < datservō
servīs

-ō -īs

ancillae
ancillīs

-ae -īs

oppidō
oppidīs

-ō -īs

Iūlius ancillās ad sē vocat et iīs quoque māla et pira
dat. Ancillae laetae ex ātriō exeunt. —

Cui Iūlius mālum dat? Puerō mālum dat. Puer cui
Iūlius mālum dat est filius eius.

Cui Iūlius ūsculum dat? Puellae ūsculum dat. Puella
cui Iūlius ūsculum dat filia eius est.

GRAMMATICA LATINA

Datīvus

[A] Masculīnum.

Iūlius servō (Syrō) mālum dat.

Iūlius servīs (Syrō et Lēandrō) māla dat.

'Servō' datīvus singulāris est. 'Servīs' est datīvus plūrālis. 110

Datīvus: singulāris -ō, plūrālis -īs.

[B] Fēminīnum.

Iūlius ancillae (Syrae) mālum dat.

Iūlius ancillīs (Syrae et Dēliae) māla dat.

'Ancillae' est datīvus singulāris. 'Ancillīs' datīvus plūrālis 115
est. Datīvus: singulāris -ae, plūrālis -īs.

[C] Neutrūm.

Fluvius oppidō aquam dat.

Fluvīi oppidīs aquam dant.

'Oppidō' datīvus singulāris est. 'Oppidīs' est datīvus plūrā- 120
lis. Datīvus: singulāris -ō, plūrālis -īs.

PENSVM A

Iūlius Mārc-, fili- su-, mālum dat. Iūlius Mārc- et Quīnt-,
fili- su-, māla dat. Iūlius etiam serv- su-, Syr- et Lēandr-,
māla dat.

C- Aemilia ūsculum dat? Aemilia vir- su- Iūli- ūsculum
dat. Iūlius Aemili- ūsculum dat. Iūlius Iūli-, fili- su-, mā-
lum dat, neque sōlum Iūliae, sed etiam Syr- et Deli-, ancill-
su-. Iūlia māl- su- ūsculum dat!

PENSVM B

Iūlius ad vīlam —. Ōstiārius ōstium — et post eum —.

Saccī nōn vacuī, sed — sunt. Iūlius: "Vidēte, puerī: — saccus plēnus — est. Ecce mālum tuum, Mārce." Iūlius Mārcō mālum —. Iūlius filiis nōn — māla, sed etiam pira dat. Iam puerī — māla — pira habent, sed servī — māla — pira habent. Dominus servōs ad — vocat et — quoque māla et — dat.

Aemilia ad Iūlium — et eī — dat. Iūlia abest. Puerī nōn ambulant, sed — in hortum. — [: in hortō] Iūlia nōn est, ea in cubiculō suō est. Iūlia nōn rīdet, sed —: in — eius sunt —. Dēlia: "In ātriō pater tuus tē —, Iūlia." Iūlia — [= ex] cubiculō —, ad Iūlium currit et — [: Iūliō] ōsculum dat. Iūlia rosam ante Iūlium —. Iūlia: "Nōnne — rosa — [= pulchra] est?"

PENSVM C

Quem puerī exspectant?
Venitne Iūlius Rōmā?
Quis ōstium aperit et claudit?
Quid inest in saccīs?
Cui Iūlius mālum prīnum dat?
Cui Aemilia ōsculum dat?
Estne Iūlia in hortō?
Quō it Dēlia?
Estne Iūlia sōla in cubiculō suō?
Rīdetne Iūlia?
Quō Iūlia currit?
Quid Iūlius dat filiae sua?

Vocabula nova:

oculus
lacrima
speculum
ōstiārius
mālum
pirum
ōsculum
fōrmōsus
plēnus
exspectat
tenet
lacrimat
aperit
claudit
vertit
terget
advenit
inest
dat
adit
currit
exit
es
sē
hic
haec
hoc
immō
nōnne?
et... et
neque... neque
sōlum
illīc
ē
eī
iīs
cui
datīvus